



ს ა ქ ა რ თ ვ ე ლ ო
წყალტუბოს მუნიციპალიტეტის საკრებულო



განკარგულება:გ-49. 49252697

თარიღი:26/09/2025

არასამეწარმეო (არაკომერციული) იურიდიული პირის „წყალტუბო არენა“-ს მიერ 2025 წლის I-II კვარტალში გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ა(ა)იპ „წყალტუბო არენა“-ს ანგარიში 2025 წლის I-II კვარტალში გაწეული მუშაობის შესახებ (თან ერთვის).

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის~ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს ა(ა)იპ „წყალტუბო არენა“-ს ანგარიში 2025 წლის I-II კვარტალში გაწეული მუშაობის შესახებ.
2. ა(ა)იპ „წყალტუბო არენა“ -ს მიერ 2025 წლის I-II კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრადის ქ. №11).

თეიმურაზი ჭეიშვილი

წყალტუბოს მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი



ანგარიში
არასამეწარმეო (არაკომერციული) იურიდიული პირის „წყალტუბო არენა“-ს მიერ 2025 წლის I-II კვარტალში გაწეული მუშაობის შესახებ

„წყალტუბო არენას“ საქმიანობის ძირითადი მიმართულებები და მიზნებია:

ა) ქალაქ წყალტუბოში, 26 მაისის ქუჩაზე მდებარე საფეხბურთო სტადიონების (ცენტრალური და სათადარიგო) ინფრასტრუქტურის მოწყობა, მოვლა-პატრონობა.

ბ) ქალაქ წყალტუბოში, 26 მაისის ქუჩაზე მდებარე საფეხბურთო სტადიონებზე (ცენტრალური და სათადარიგო, საფეხბურთო ცენტრი, ბუნებრივსაფარიანი მიწის სტადიონი) შპს „საფეხბურთო კლუბი წყალტუბოს სამგურალის“ ძირითადი გუნდის, დუბლების შემადგენლობისა და სხვადასხვა ასაკობრივი გუნდებისათვის ეროვნული ჩემპიონატების შესაბამის ლიგაში ჩემპიონატის თამაშებისა და ვარჯიშების ჩატარების შეუზღუდავად უზრუნველყოფა.

გ) წყალტუბოს მუნიციპალიტეტში ჯანსაღი ცხოვრების წესის დამკვიდრება და მისი პროპაგანდა, ქართული ფეხბურთის პოპულარიზაცია და საფეხბურთო ტრადიციების აღდგენა-განვითარება.

დ) სპორტული ღონისძიებებისა და სხვადასხვა რანგის შეჯიბრებებისა და ჩემპიონატებისათვის სტადიონისა და ინფრასტრუქტურის მომზადება.

ე) სპორტის საყოველთაოობისა და ხელმისაწვდომობის უზრუნველყოფა.

ა(ა)იპ „წყალტუბო არენას“ საშტატო ნუსხა და ხართაღრიცხვა იშიფრება შემდეგნაირად:

საშტატო ნუსხა - 29 კაცი. (ფაქტიურად დასაქმებულია 28 კაცი - ელექტრიკოსის და საწვრთნელი ბაზის ტექნიკური მომსახურების კოორდინატორის შტატზე დასაქმებული ერთი პირი). აქედან 5 ქალია და 23 კაცი.

ჩვენს მიერ უზრუნველყოფილია საფეხბურთო კლუბი „სამგურალის“ ძირითადი გუნდის, დუბლების შემადგენლობისა და სხვადასხვა ასაკობრივი გუნდებისათვის ეროვნული ჩემპიონატების შესაბამის ლიგაში ჩემპიონატის თამაშებისა და საწვრთნელი ვარჯიშების ჩატარების შეუზღუდავად უზრუნველყოფა.

კერძოდ, 2025 წლის 8 იანვრიდან განაახლა საწვრთნელი ვარჯიშები ძირითადი გუნდმა.

3 თებერვლიდან 16 თებერვლამდე გუნდი ზამთრის საწვრთნელ-სავარჯიშო შეკრებაზე იმყოფებოდა თურქეთის რესპუბლიკის ქალაქ ანტალიაში. „სამგურალმა“ საქართველოში დაბრუნების შემდეგ, მოსამზადებელი ვარჯიშები გაანახლა საფეხბურთო ცენტრში. დიდთოვლობის გამო გუნდი თებერვლის თვეში ვარჯიშობდა ხელოვნურსაფარიან სათადარიგო სტადიონზე. ცენტრალურ სტადიონზე სარეაბილიტაციო სამუშაოების გამო გუნდი ეროვნული ჩემპიონატის თამაშებს და ვარჯიშებს ძირითადად ატარებს საფეხბურთო ცენტრში. ცენტრალურ

სტადიონზე ჩაატარა 2 საშინაო თამაში. ეროვნული ჩემპიონატი დაიწყო 2025 წლის 1 მარტს და გუნდს ჩატარებული აქვს 9 საშინაო თამაში.

2025 წლის 1 თებერვლიდან განაახლა ვარჯიშები სათადარიგო სამგურალი 2-ის გუნდმა და ასაკობრივი ლიგის გუნდებმა. სამგურალი 2 და 19, 17 წლამდელთა გუნდი, 15, 14, 13, 12, 11, 10 და 9 წლამდელთა ასაკობრივი გუნდები ვარჯიშებობენ ხელოვნურსაფარიან სათადარიგო სტადიონზე. ამავე მოედანზე ჩაატარებენ გუნდები ლიგა 4-ისა და ასაკობრივი ლიგის ჩემპიონატის საშინაო მატჩებს. ლიგა 4-ის ჩემპიონატი ჩემპიონატი დაიწყო აპრილის თვეში. სამგურალი 2-მა ჩაატარა 7 საშინაო მატჩი.

ასაკობრივი ლიგების ჩემპიონატი დაიწყო მარტის თვეში.

19 წლამდელთა გუნდმა ჩაატარა 4 საშინაო მატჩი.

17 წლამდელთა გუნდმა ჩაატარა 5 საშინაო მატჩი.

15 წლამდელთა გუნდმა ჩაატარა 4 საშინაო მატჩი.

14 წლამდელთა გუნდმა ჩაატარა 6 საშინაო მატჩი.

13 წლამდელთა გუნდმა ჩაატარა 6 საშინაო მატჩი.

12 წლამდელთა გუნდმა ჩაატარა 5 საშინაო მატჩი.

11 წლამდელთა გუნდმა ჩაატარა 5 საშინაო მატჩი.

10 წლამდელთა გუნდმა ჩაატარა 6 საშინაო მატჩი.

პარალელურად ხელოვნურსაფარიან სათადარიგო სტადიონზე ვარჯიშებს ატარებს სამოყვარულო გუნდი. ასევე პერიოდულად ვეხმარებით და სათადარიგო სტადიონზე ვარჯიშობს რაგბის გუნდი.

არენას სარგებლობაშია და ვუვლით ცენტრალურ სტადიონს, სადაც საშინაო თამაშებს ატარებს სამგურალის ძირითადი გუნდი, საფეხბურთო ცენტრს, სადაც ასევე თამაშობს და ვარჯიშობს სამგურალის ძირითადი გუნდი. ასევე ტარდება სხვადასხვა ღონისძიებები, ხელოვნურსაფარიან სათადარიგო სტადიონს, სადაც თამაშებს და ვარჯიშებს ატარებს სამგურალი 2-ის და ასაკობრივი გუნდები, ასევე მინი ბუნებრივსაფარიანი სტადიონი, სადაც ვარჯიშობს ასევე 10 და 9 წლამდელთა გუნდები.

ოფისისთვის შევიძინეთ ორი პერსონალური კომპიუტერი, პრინტერი, ტელევიზორი. ტენდერის წესით შევიძინეთ სტადიონის ბუნებრივსაფარიანი მოედნისთვის ბალახის საკრეჭი მანქანა.

ცენტრალურ სტადიონზე მთლიან შიდა პეტრიმეტრზე დამონტაჟდა ღობე.

დამონტაჟდა და გადაიხურა საფეხბურთო ცენტრის სტადიონზე არსებული ტექნიკის სადგომი.

ცენტრალურ ბუნებრივსაფარიან მოედანზე შეითესა 400 კგ თესლი.

თებერვლის ბოლოს დიდთოვლობის გამო ხელოვნურსაფარიან სათადარიგო მოედანზე მიმდინარეობდა თოვლის აღება, რომ სამგურალის გუნდებს ხელი არ შეშლოდათ ვარჯიშების ჩატარებაში.

ინფრასტრუქტურის გაუმჯობესების მიზნით ცენტრალურ საფეხბურთო სტადიონზე დამონტაჟდა ქალაქის მუნიციპალიტეტისა და სამგურალის კლუბის ლოგოები და ბურთი.

საფეხბურთო მოედანზე მთელ სიგრძეზე დამონტაჟდა დამცავი ჯებირები ბადით.

25 მაისიდან საფეხბურთო ცენტრში დაიწყო მინდვრის რენოვაციის სამუშაოები (მინდვრის საფარის მომზადება ივლისიდან ოფიციალური მატჩებისთვის. , რომელიც მიმდინარეობს ჩვენი დახმარებით- საწვავი ტექნიკისთვის, 45 ტონა საჩხერის გარეცხილი ქვიშა შეტანილი იქნა ჩვენი სახსრებით და ასევე სამუშაოებს ასრულებდა ჩვენი მუშები.

საფეხბურთო ცენტრში ტექნიკის შესანახად გადაიხურა 35 კვ/მეტრი ლითონის კონსტრუქციით.

საფეხბურთო ცენტრში გაკეთდა 140 კვ/მეტრი გულშემატკივრებისგან გამყოფი დამცავი ბადე.

სფფ-ს დაფინანსებით საფეხბურთო ბაზაზე განხორციელდა ინფრასტრუქტურული ობიექტების შეღებვის სამუშაოები.

ცენტრალურ სტადიონზე განხორციელდა გარე ბეტონის კონსტრუქციების შეღებვა.

პატარა ბუნებრივსაფარიან სათადარიგო მოედანზე გამოიცვალა კარების დამცავი გვერდითი ბადე, სიმაღლე 6 მეტრი, სიგრძე 35 მეტრი.

სტადიონის ირგვლივ გასუფთავდა და შეიღება ხეები.

არენას თანამშრომლები მათ სარგებლობაში არსებული სტადიონების მოვლის მიზნით ყოველდღიურ უწყვეტ რეჟიმში მუშაობენ - სტადიონების მთელ პერიმეტრზე მოვლის მიზნით ყოველდღიურად მიმდინარეობს მუშაობა - სათამაშო მოედნის სისტემატურად პარსვა (ყოველ მე-2, მე-3 დღეს), შხამქიმიკატების შეტანა, სილის შეტანა, დაჩხვლეტა, მინდვრის მორწყვები ყოველ მეორე-მესამე დღეს აგრონომის მითითების შესაბამისად.

სისტემატურად მიმდინარეობს სტადიონების მიმდებარე გარე პერიმეტრის მოწყობა- გაწმენდა ცელით და სხვა ტექნიკით, მოსუფთავება.

ჩვენის მხრიდან იგეგმება და ხორციელდება ყველა სამუშაო, რაც საჭიროა სამგურალის ძირითადი გუნდის, დუბლების შემადგენლობისა და სხვადასხვა ასაკობრივი გუნდებისათვის ეროვნული ჩემპიონატების შესაბამის ლიგაში ჩემპიონატის თამაშებისა და ვარჯიშების ჩატარების შეუზღუდავად უზრუნველსაყოფად.